

مسموم والله بحالي يدري
يا يوم تبجون اعلى گبري
واسوني / گصدوني / يا شيعه زوار

استوطننت روجي المآسي من هجرت أحبابي
منفي عدواني اهضموني وجرعوني امصابي
داري عنكم حاصروها ومحد ايدگ بابي
والأمل منكم زياره ودمعه فوگ اترابي

أنا الهادي الذي زادت جروحي
وفاضت بعد نار السم روجي
ألا هل من جزوع عند قبري
يروي الثرب بالدمع السفوح

مسجون، صارت داري سجن
مدفون وانتوا ابعيد عني
ذكروني / گصدوني / يا شيعه زوار

لو قصدتوا للعراق امرتئين أورادي
بالله زوروا انيابه عني يم قبور أجدادي
الزائر البالنجف رده ابشوق روحه اينادي
يا علي ابلغك سلامه الإمام الهادي

علي شيبه المخضوب بالدم
بأهل البيت أوري شعله الهم
فجعا منذ أراد قتيلاً
بمحراب الهدى سيف ابن ملجم

عشاق واتحفظونه عهدي
بأشواق سلموا لي اعلى جدي
وافوني / گصدوني / يا شيعه زوار

مسموم والله بحالي يدري
يا يوم تبجون اعلى گبري
واسوني / گصدوني / يا شيعه زوار

كربله لو لاحت إلكم والقُبب شفتوها
سورة الفاتحه عني للحُسين اقروها
ابصحنه لو مآتم عقدتوا غربتي اتذكروها
والله من گبره المُقدّس ونّته اتسمعوها

قضيتُ العُمرَ والزادُ نحبي
على النحرِ على الجسمِ السليبي
بنفسي ظامناً مُلقى ثلاثاً
بلا رأسٍ على وجهِ الكثيبِ

بالآه أتذكر عذابه
والله ما أنسى مُصابه
اتعرفوني / گصدوني / يا شيعه زوار

يم گبر موسى بن جعفر والجواد الطاهر
ركعتين اهدوها ليّه ابقُلب داعي وذاكر
ظالمي عنهم منعني إلداري چان امحاصر
اندبوهم واندبوني اوصيتي إلكل زاير

أيا أهلَ الوفا منّي وصيّة
أقيموا مآتم الحُزن عليّه
أنا من عشتُ عُمرِي في اشتياقٍ
لأحبابي بأرضِ الكاظميّة

الجراح تبرأ ابكّل لاهج
لو صاح يا باب الحوائج
حرموني / گصدوني / يا شيعه زوار

مسموم والله بحالي يدري
يا يوم تبجون اعلى گبري
واسوني / گصدوني / يا شيعه زوار

من بعد هذه الزياره اتوجهوا لأنواري
منظر الزوار ايسرني لو نعوا بجواري
ابصحنى مجلس لطم نصبوا ابدمع عالحد جاري
والله تشملكم شفاعه جدى يا زواري

بسامراء احيوها الماتم
وواسوا احمد الطهر وفاطم
وعزوا عسكري الال حزنا
ووافوا من بهذا الامر قائم

مجروح خاطرها الزجيه
واتنوح هالليله عليه
هضموني / گصدوني / يا شيعه زوار

إلصاحب الأمر المغيّب طلبتي اتزورونه
وابمكان الغيبه ذكروا غربته واشجونه
(بدل الدمع دماً) تبجي علينا اعيونه
ابكل دعاء وكل توسل بالله لا تنسونه

قضى في الغيبة الكبرى سنينا
غريباً يرجع الذكرى حزينا
فلا تنسوه في كل دعاء
إلهي أظهر النور إلينا

مصيوب كلبه اشتعل جمره
محجوب الله اعظم اجره
عزوني / گصدوني / يا شيعه زوار